

12 Chwefror 2014

Teitl y Papur	Rhanbarthau Draenio Mewnol – Ardrethi ac Ardollau
Cyfeirnod y Papur:	NRW B O 12.14
Noddwyd y Papur gan:	Kevin Ingram, Cyfarwyddwr Gweithredol Cyllid a Gwasanaethau Corfforaethol Ceri Davies, Cyfarwyddwr Gweithredol Gwybodaeth, Strategaeth a Chynllunio
Awdur y Papur yw:	Mark Howells, Cyfrifydd Cyswllt LIC – Cyllid

Pwrpas y Papur:	Darparu'r Bwrdd gyda Phraeseptau, Ardrethi Draenio ac Ardollau Arbennig arfaethedig ar gyfer 2014/15.
Argymhelliad:	Cymeradwyo'r ardrethi arfaethedig.
Angen Penderfyniad:	Oes

Effaith: Dylid nodi – mae'n bosib nad yw pob pennawd yn berthnasol i'r pwnc	<p>Effaith ar yr Amgylchedd: Mae rheoli dŵr yn effeithiol yn lleihau risg llifogydd a gall gynnal bioamrywiaeth gwlyptiroedd a gwerthoedd tirweddau.</p> <p>Effaith ar yr Economi: Mae defnydd effeithiol o'n hadnoddau yn sicrhau ein bod yn dangos gwerth am arian i'r cymunedau yr ydym yn codi tâl am ein gwasanaeth.</p> <p>Effaith ar y Gymuned: Mae Risg Llifogydd yn cael ei leihau sy'n galluogi diogelu eiddo a busnesau.</p> <p>Effaith ar Wybodaeth: Nid yw'n berthnasol.</p>
--	---

Y Pwnc

1. Ceisio cymeradwyaeth y Bwrdd i godi:
 - (i) Praeseptau ar Ranbarthau Draenio Mewnol (RhDMau) sy'n cael eu gweinyddu gan Cyfoeth Naturiol Cymru (CNC);
 - (ii) Ardollau Arbennig ac Ardrethi Draenio ar RhDMau sy'n cael eu gweinyddu gan CNC;
 - (iii) Praeseptau ar Fyrddau Draenio Mewnol (BDMau) nad ydyn nhw'n cael eu gweinyddu gan CNC. Y rhain yw BDM Cil-y-coed a Gwynllŵg, BDM Powys a BDM Gwy Isaf.

Cefndir

2. Mae Byrddau Draenio Mewnol (BDMau) yn gweinyddu draenio tir, rheoli risg llifogydd a swyddogaeth bioamrywiaeth yn y Rhanbarthau Draenio Mewnol. Mae tri BDM yng Nghymru sydd yn cael eu llywodraethu ar wahân i CNC.
Mae pob BDM yn gosod cyllideb ar gyfer y gwaith sydd wedi'i gynllunio ar gyfer y flwyddyn sydd i ddod ac unrhyw fuddsoddiadau y mae ei angen i wneud ar gyfer prosiectau yn y dyfodol. Mae CNC yn codi Praesept ar bob BDM am waith a wnaed sydd o fudd iddyn nhw.
3. Mae un ar ddeg o Ranbarthau Draenio Mewnol (RhDMau) wedi'u lleoli yng Ngogledd-orllewin Cymru. Mae'r gwaith a wnaed ym mhob RhDM yn cael ei gyllido drwy gyfuniad o Ardrethi Draenio sy'n cael eu codi ar feddianwyr tir amaethyddol (e.e. ffermwyr) ac Ardollau Arbennig sy'n cael eu talu gan Awdurdodau Lleol mewn perthynas â thir anamaethyddol. Mae CNC yn gweithredu fel y BDM ar gyfer y rhanbarthau hyn.
4. Yn dilyn Deddf Rheoli Llifogydd a Dŵr 2010, nid oes gan Bwyllgor Rheoli Perygl Llifogydd Cymru (PRhPLIC) y pŵer i weithredu fel BDM. Ar gyfer 2013/14, gofynnwyd i aelodau Bwrdd Asiantaeth yr Amgylchedd i sefyll yn ffurfiol fel Bwrdd y RhDMau unigol a chymeradwyo'r cyfrifon a'r datganiadau llywodraethu. Mae'r cyfrifoldeb hwn yn awr gyda Bwrdd Cyfoeth Naturiol Cymru.
5. Tra nad oes gan Bwyllgor PRhPLIC swyddogaeth ffurfiol mewn rheoli'r RhDMau, gofynnir iddyn nhw ddarparu sylwadau a chyngor i'r Bwrdd mewn perthynas â'r broses o osod y gyllideb a'r rheoli parhaus. Bydd y cynigion hyn yn cael eu cyflwyno i Bwyllgor PRhPLIC ar 24^{ain} Ionawr 2014.
6. Mae angen i Cyfoeth Naturiol Cymru (drwy adran 40 o Ddeddf Draenio Tir 1991) i lunio Ardrethi Draenio, a thrwy Reoliad 7 o Reoliadau Byrddau Draenio Mewnol (Cyllid) 1992 i godi Ardollau Arbennig cyn 15^{fed} Chwefror o'r flwyddyn ariannol cyn y flwyddyn honno maen nhw'n cyfeirio ati.
7. Gosodwyd yr Ardrethi Draenio, Ardollau Arbennig a Phraeseptau ar gyfer 2013/14 gan Fwrdd Asiantaeth yr Amgylchedd yn Chwefror 2013.
8. Nid yw'r cyhoeddiad diweddar gan Lywodraeth Cymru y bydd y BDMau yn trosglwyddo i CNC yn 2015/16 yn effeithio ar y cynigion hyn.
9. Fel mesur o reolaeth gaeth ar gostau yn CNC, nid oes yr un o'r trethi arfaethedig yn codi o'r flwyddyn flaenorol.

Cynigion

10. Praeseptau

- Mae Atodiad A yn manylu ar y Praeseptau arfaethedig ar y BDMau a'r RhDMau ar gyfer 2014/15 a'r gymhariaeth â'r flwyddyn flaenorol, sy'n gyfanswm o £298k.
- Mae hyn yn cynnwys Praesept arfaethedig ar BDM Cil-y-coed a Gwynllŵg (BDMCaG) o £240k sy'n seiliedig ar waith manwl sydd i'w wneud a defnyddio'r arian sydd mewn llaw.

11. Ardollau Arbennig ac Ardrethi Draenio

- Mae'r tabl isod yn darparu manylion o'r Ardollau Arbennig (£99.8k) a'r Ardrethi Draenio (£52k) sy'n cael eu cynnig ar gyfer 2014/15 o'i gymharu â 2013/14.

RHANBARTH DRAENIO MEWNOL	ARDRETHI DRAENIO MEWN CEINIOGAU		ARDOLLAU ARBENNIG		AWDURDOD LLEOL
	2013/14	2014/15	2013/14	2014/15	
Afon Ganol	5.4	5.4	7,900	7,900	Conwy
Cors Ardudwy	12.8	12.8	10,044	10,044	Gwynedd
Cors Borth	31.7	31.7	7,476	7,476	Ceredigion
Afon Conwy	18.9	18.9	14,141	14,141	Conwy
Dyffryn Dysynni	21.5	21.5	8,811	8,811	Gwynedd
Glaslyn/Pensyflog	6.7	6.7	18,487	18,487	Gwynedd
Harlech/Maentwrog	9.0	9.0	18,186	18,186	Gwynedd
Llanfrothen	23.8	23.8	1,380	1,380	Gwynedd
Cors Malltraeth	19.9	19.9	1,850	1,850	Ynys Môn
Mawddach Wnion	5.6	5.6	11,095	11,095	Gwynedd
Tywyn	9.7	9.7	380	380	Gwynedd
Cyfanswm			99,750	99,750	

Y Camau Nesaf

12. Mae'r Bwrdd yn ystyried ac yn cymeradwyo'r cynigion yn yr adroddiad hwn ac yn awdurdodi selio'r Ardrethi Draenio. Mae rhybuddion ffurfiol yn cael eu dosbarthu erbyn 15^{fed} Chwefror 2014 er mwyn cydymffurfio â'n hymrwymadau statudol ar gyfer Ardollau Arbennig a Phraeseptau. Mae'r Ardrethi Draenio yn cael eu hysbysebu er mwyn cydymffurfio â Deddf Draenio Tir 1991 ac mae rhestrau yn cael eu hanfon at bob trethdalwr gyda'r biliau.

Risgiau

13. Os nad yw'r Praeseptau, yr Ardrethi Draenio a'r Ardollau Arbennig yn cael eu cymeradwyo, yna ni fyddwn yn cwrdd â dyddiadau cau statudol.

Goblygiadau Ariannol

14. Bydd cymeradwyo'r cynigion yn y papur hwn yn caniatáu casglu dros £400k o incwm, sy'n cael ei ddefnyddio i gyllido gwaith uniongyrchol.

Cyfathrebu

15. Bydd hysbysiadau ffurfiol yn cael eu dosbarthu i awdurdodau lleol a Byrddau Draenio Mewnol (BDMau).

ANNEX A		
Natural Resources Wales		
Precept Proposals 2014/15		
Narrative	Precept 2013/14 £'s	Precept Proposal 2014/15 £'s
Internal Drainage Board		
Lower Wye	3,604	3,604
Caldicot & Wentlooge	300,000	240,000
Powysland	10,320	10,320
Total Drainage Boards	313,924	253,924
Internal Drainage Districts (former Gwynedd LFDC)		
Afan Ganol	2,305	2,305
Ardudwy Marsh	3,864	3,864
Borth Bog	2,595	2,595
Afon Conwy	6,873	6,873
Dysynni Valley	2,879	2,879
Glaslyn/Pensyfloc	9,123	9,123
Harlech & Maentwrog	7,672	7,672
Llanfrothen	1,344	1,344
Malltraeth Marsh	3,179	3,179
Mawddach Wnion	4,400	4,400
Tywyn	378	378
Total Drainage Districts	44,612	44,612
Total Drainage Boards and Districts	358,536	298,536